



Esp.kodea: 2019SSEC0002

Gaia: 2019KO ARAUDI PLANA
Hasiera eguna: 2019/01/15

ZIURTAGIRIA

Ana Belen Hidalgo Corral andrea, ARRASATEKO UDAL AGURGARRIKO IDAZKARIA

NEUK ZIURTATUA:

Udal Plenoak, 2019ko otsailaren 5ean egindako bilkuran, bestek beste, honako akordioa hartu zuen:

“ PROPOSAMENA 2019KO ARAUDI PLANA ONARTZEKO (2019SSEC0002).

Udal Plenoak aldeko 20 boturekin (EAJ-PNV, EH BILDU, PSE-EE eta Baleike) eta abstentzio batekin (Irabazi), Enplegu eta Pertsonal Batzordearen ondoko diktamena onetsi eta akordio mailara jasotzen du:

“2016ko urriaren 2an sartu zen indarrean 39/2015 Legea. Honen 132. artikulua honakoa dio:

Artículo 132. Planificación normativa.

- 1. Anualmente, las Administraciones Públicas harán público un Plan Normativo que contendrá las iniciativas legales o reglamentarias que vayan a ser elevadas para su aprobación en el año siguiente.*
- 2. Una vez aprobado, el Plan Anual Normativo se publicará en el Portal de la Transparencia de la Administración Pública correspondiente.*

Hori horrela, sailekin kontsulta egin da eta Ogasun, Diruzaintza eta Ondare sailetatik, Kirola sailetatik eta Enplegu eta Pertsonal sailetatik jarraian zehazten diren ordenantza proposamenak aurkezten dira, Araudi Planean sar daitezzen. Hori horrela, 2019rako Araudi Plana aurkeztu da, honakoa:

2019RAKO ARAUDI PLANA

Ikusita 39/2015 Legearen 132. Artikuluak xedatzen duena udal honek 2019an onartzea, edota aldatzea proposatzen duen ordenantzen zerrenda jarraian zehazten dena da:

Kodea	H19/00155	Udala	ARRASATE
Data	2019/ots./19	CUDO	000.0055.AAAA85A1.7.jp9s
URL	https://munigex.net/r/eu/55/AAA85A17.jp9s		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp.kodea: 2019SSEC0002

Gaia: 2019KO ARAUDI PLANA
Hasiera eguna: 2019/01/15

OGASUN, DIRUZAIN'TZA ETA ONDARE SAILA:

1.- ORDENANTZA OROKORRA ZUZENBIDE PUBLIKOKO TRIBUTU ETA BESTE DIRU-SARRERA LOKALEN KUDEAKETA, KOBRANTZA ETA INSPEKZIOA ARAUTZEN DUENA

Ordenantza honen xedea da:

- a) Zuzenbide publikoko tributu eta beste diru-sarrera lokalen kudeaketa hobetzea eta erraztea ekar dezaketen prozedurazko aspektuak arautzea.
- b) Hainbat Ordenantza Fiskaletan komunak diren aspektuak erregelatzea, hartara horiek errepikatzea saihestuko baita.
- c) Udalak zehaztu edo garatu beharreko gaiak erregelatzea.
- d) Herritarrak informatzea bai indarrean dauden araez, bai tributu-pagatzaileen eskubideez eta bermeez, horien berri jakitea denen interesekoa gerta baitaiteke, tributuzko obligazioak behar bezala konplitze aldera.

2.- ARRASATEKO UDALAREN KONTRATAZIOKO ADMINISTRAZIO PROZEDURAK ARAUTZEN DITUEN UDAL ORDENANTZA. (ALDAKETA)

Azaroaren 8ko 9/2017 Legea, Sektore Publikoaren Kontratuena onartu ondoren, Arrasateko Udalak 2011ko apirilaren 7an egindako osoko bilkuran onartutako "Kontratazioko administrazio prozedurak arautzen dituen Udal Ordenantza" aldatu beharra dauka, araudi berriari egokitzeko.

Ordenantza honen xedea izango litzateke kontratazioari buruz indarrean dagoen araudi berria garatzea, eta Udalean kontratazio publikoa behar den moduan erabiltzea ekarriko duten prozedurak erabili ahal izateko, udal jarduerak behar den moduan funtzionatzeko, legearekin inolako kontraktotasunik izan gabe eta udal baliabideak era arrazionalen eta efizientean erabili ahal izateko.

3.- 2020RAKO ORDENANTZA FISKALA (ALDAKETA)

Ordenantza honen xedea da udal tributu eta prezio publikoen urteko errebisioak gauzatzea eta berauek eguneratzea, bai zerga, tasa eta prezio publikoen kopuruari dagokionean, bai eta hobari edo exentzioei dagokionean. Honetarako udalak kontuan hartu behar ditu bultzatu edota ekidin nahi dituen egintza edo helburuak.

Kodea	H19/00155	Udala	ARRASATE
Data	2019/ots./19	CUDO	000.0055.AAAA85A1.7.jp9s
URL	https://munigex.net/r/eu/55/AAAA85A17.jp9s		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp.kodea: 2019SSEC0002

Gaia: 2019KO ARAUDI PLANA
Hasiera eguna: 2019/01/15

ENPLEGU ETA PERTSONAL SAILA:

1.- HERRITARREN PARTEHARTZERAKO UDAL ERREGLAMENDUA

1.- Arau honen helburua Arrasaten herritarren partaidetza sustatzea eta garatzea da, betiere tokiko demokraziaren gardentasuna eta kalitatea bermatuz.

2.- Arauak herritarren partaidetzaren inguruko helburu hauek ditu:

a) **Ahalduntzea**, herritarrena (norbanako zein antolatu) eta udal eragileena (politikari zein zerbitzari publiko); aktore horiei guztiei prestakuntza eskainiz, herritarrak erabaki prozesuetan txertatuz, askotariko gaitasunak eta ikuspuntuak integratuz, gizarte-sareak josiz, eta udal barruan aldaketak eraginez (sistematan zein pertsonen jarreretan), herritarren parte-hartze kultura sustatzeko udal egitura eta baliabideak indartuz, eta udal barruko lankidetzak handitzeko lan-kultura egokituz.

b) **Herritarren eskubide, behar zein erantzun-bideak zehaztea**; herritarren eskubideak bermatzeko baliabideak jarritz, beren interesak, beharrak eta gogoak partekatzeko bideak eta baliabideak jarritz, eta udal kudeaketa eta udalerrirako asmoak zein erabakiak gardentasunez eta modu efiziente zein ulerterrazean komunikatzeko sistemak (moduak, epeak, kanalak...) zehaztuz.

c) **Parte-hartzeari zilegitasuna aitortzea eta iraunkortasuna ematea**, alderdien arteko borroka politikoaz harago, udal talde denen artean adostutako partaidetza kultura agenda politikoan zein herri agendan kokatuz, ulertuz herritarren partaidetza instituzio publikoen demokrazia eta ordezkariak aberasteko modua dela, baita herritarrak eta administrazio publikoa hurbiltzekoa ere; praktika parte-hartzaileek lagunduko dute botere harremanak birdefinitzen, konfiantzan oinarritutako harreman iraunkorrak sortzen, eta ardurak partekatzen.

d) **Erabaki politikoak herritarren nahi eta gogoen isla izatea**, ekintza publikoak diseinatzerakoan, garatzerakoan eta ebaluatzerakoan herritarrei modu aktiboan entzunez eta entzundakoak kontuan hartuz; herritarren parte-hartze prozesu, momentu eta espazioetan emango den iritzi aniztasuna aintzat hartuz, ezberdin pentsatzen dutenak harremanetan jarrita eraikitzen diren begirada komun berriei balioa emanez, eta emango den garapen pertsonal eta komunitariotik inor baztertu gabe.

e) **Aurrez egindakoa aintzat hartzea eta gardentasunez jokatzea**; askotariko herritarrekin (genero, adin, jatorri, hizkuntza zein iritzi aniztasun aldetik) aurrez egindako partaidetza-eraketatik eratorritako erabakiak zein praktikak ezagutuz, errespetatuz eta erabaki horiei gutxienezko aplikazio epe bat emanez gobernantza eredu parte-hartzailearen sinesgarritasuna eta baliagarritasuna bistaratzeko, eta hori guztia gardentasun-kultura orokorraren babesean.

f) **Gizarte zibila indartu dadila sustatzea**, elkartasunaren, besteei errespetuaren, erantzukizun partekatuen eta gizarte-kohesioaren gizarte-balioak hedatuz, eta elkartegintza garatu eta indartu

Kodea	H19/00155	Udala	ARRASATE
Data	2019/ots./19	CUDO	000.0055.AAAA85A1.7.jp9s
URL	https://munigex.net/r/eu/55/AAA85A17.jp9s		
Dokumentu honen baliotasuna egiaztatzeko hurrengo Web-an sarbideratu zaitez edo QR irudia irakurri ezazu			





Esp.kodea: 2019SSEC0002

Gaia: 2019KO ARAUDI PLANA
Hasiera eguna: 2019/01/15

dadila sustatuz. Aldi berean, herriaren onerako lanean ari diren herritarren zein herritar-taldeen lana aitortzea eta eskertzea.

KIROLA SAILA:

1.- KIROL INSTALAZIOEN ARAUDIA

Arrasateko kirol instalazioen araudia, Udalbatzak 2015/12/15ean onartu eta GAOn, 2016/05/26an argitaratu zen.

Ondorengo atalak gutxienez ez dira aplikatzen edo beste modu batera aplikatzen dira:

- 7. artikulua dio “taldeek euren entrenamenduak, lehiaketak eta erakustaldiak burutzeko, udal instalazioak erabiltzeko aukera izango dutela eta taldeetako kirolariek abonaturik egon beharko dutela. Praktikan, eskola kiroleko adinean daudenei, LEK-en izen emanda egonez gero, ez zaie abonatu izatea eskatzen.

- 22.e) artikulua dio “hegatsak eta palak (norberarenak) kale berean beste erabiltzailerik ez dagoen unetan soilik erabili ahalko direla”. Praktikan aldiz, elementu hauen erabilera baimentzen da mediku ziurtagiria ekartzen dutenei.

- ERANSKINA: UARCAPEKO BOULDERRA ERABILTZEKO ARAUAK: 8 - 12 bitarteko artikuluek xedatzen duten funtzionamendua aldatuta dago, sarreran tornu bat jarri zenetik, beraz, egokitu beharra dago.

Bestalde, igerilekuetan aforoa gainditzen denerako irizpideak arautzeko beharra sortu da, langileek euren lana egitea errazteko.

Hori horrela, Enplegu eta Pertsonal Batzordeak osoko bilkurari proposatzen dio:

Lehenengoa: 2019rako Araudi Plana onartzea aurrez aipatutako testuarekin.

Bigarrena: Aipatutako plana udal web orrian erakusgai jartzea”.

Eta honela jasota gera dadin eta ondorio egokiak sor ditzan, ziurtagiri hau luzatu eta sinatzen dut, Alkateak agindu eta ontzat emanik, Arrasaten, 2019ko otsailaren 19an.

O.E.

Alkatea

Kodea	H19/00155	Udala	ARRASATE
Data	2019/ots./19	CUDO	000.0055.AAAA85A1.7.jp9s
URL	https://munigex.net/r/eu/55/AAAA85A1.7.jp9s		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			

